

Na osnovu člana 8 i 23. Zakona o ministarstvima i drugim organima uprave Tuzlanskog kantona-prečišćeni tekst ("Službene novine TK-a", broj:10/18-prečišćeni tekst), i tačke II Odluke o organizaciji mjeseca borbe protiv međuvršnjačkog nasilja u osnovnim i srednjim na području Tuzlanskog kantona, broj:10/1-02-004452/24 od 27.02.2024. godine, ministar obrazovanja i nauke Tuzlanskog kantona donosi:

**PRINCIPE ZA KREIRANJE PLANA AKTIVNOSTI
ZA MJESEC MART-MJESEC BORBE PROTIV MEĐUVRŠNJAČKOG NASILJA U
OSNOVNIM I SREDNJIM ŠKOLAMA TUZLANSKOG KANTONA**

Šaljemo Vam Principe za kreiranje Plana aktivnosti osnovnih i srednjih škola u Tuzlanskom kantonu za mjesec mart-mjeseca borbe protiv međuvršnjačkog nasilja u osnovnim i srednjim na području Tuzlanskog kantona.

Programske oblasti iz koji se trebaju planirati aktivnosti su:

1) Edukacija i podizanje svijesti - Obzirom da su edukacije za uposlenike škola realizirane od strane Pedagoškog zavoda TK u mjesecu januaru, u radne nenastavne dane, a između ostalog i na ovu tematiku, prijedlog je da se o istim govori od strane organizatora, predavača i učesnika u tematski osmišljenim emisijama u programu RTV TK. U toku mjeseca marta organizirati radionice na nivou škola, pozvati predavače iz reda stručnjaka (Udruženje pedagoga TK), a neke od navedenih biće propraćene i zabilježene od strane RTV TK, te naknadno emitirane i prezentirane.

2) Kreiranje školskih politika - prezentacija i iskustva u vezi zakonskih i podzakonskih akata donesenih i primijenjenih nakon nemilog događaja u Lukavcu. Također, sve navedeno predstaviti u programu RTV TK, u razgovoru sa donosiocima istih i direktorima škola.

3) Promoviranje kulture poštovanja - organizirati likovne i literarne konkurse na nivou škola s ciljem promovisanja poštovanja i razumijevanja među učenicima, kampanje koje potiču pozitivnu interakciju, nenasilnu komunikaciju i sl.

4) Razvoj vještina socijalne interakcije - škole trebaju organizirati radionice ili grupne aktivnosti koje potiču razvoj socijalnih vještina, empatije i asertivnosti, a sve s ciljem prevencije međuvršnjačkog nasilja.

5) Mentorstvo i podrška - škole trebaju angažovanjem Vijeća učenika uspostaviti program mentorstva gdje stariji učenici škole mogu pružati podršku mlađim. Škole trebaju prepoznati i medijski promovirati uzorne učenike koji postižu nadprosječne rezultate u nastavnim i vannastavnim aktivnostima (oblasti sporta, umjetnosti itd).

6) Kampanje osvještavanja - zadužiti JU Mješovita srednja hemijska škola Tuzla i JU Mješovita srednja građevinsko-geodetska škola Tuzla za izradu promotivnog plakata i logotipa kampanje *Mjesec borbe protiv međuvršnjačkog nasilja u osnovnim i srednjim školama Tuzlanskog kantona*.

7) Saradnja sa zajednicom - u toku mjeseca marta intenzivirati posjete svim ustanovama i organizacijama koje mogu osigurati podršku i resurs za prevenciju i rješavanje međuvršnjačkog

nasilja (posjeta institucijama kao što su centri za socijalni rad, policijske stanice, Odgojni centar TK, Centar za mentalno zdravlje i sl.)

8) Praćenje i evaluacija - Planirane aktivnosti realizirat će se u školama sa područja Tuzlanskog kantona počev od 04.03.2024.g. do 15.03.2024. g.

9) U periodu od 18.3. do 29.3.2024. g. predstavnici osnovnih i srednjih škola sa područja TK će gostovati u programu RTV TK te izvijestiti javnost o svim aktivnostima koje su realizirane u sklopu navedene kampanje, provoditi kampanju na društvenim mrežama, snimati spotove i kreiranje logotipa.

10) Zadužuju se direktori osnovnih i srednjih škola na području Tuzlanskog kantona da naprave školski plan aktivnosti za prevenciju vršnjačkog nasilja u mjesecu martu i iste dostave na mail adresu: nizet@pztz.ba i asim.bojic@montk.gov.ba

DOSTAVLJENO:

1 x Naslovu

1 x Evidenciji

1 x Arhivi

AB/AB



MINISTAR

Dr. sci. Ahmed Omerović